

## 2 Tesalonaika

**1** <sup>1</sup>I dere aŕeta, e Pol, Sailas, Timotikélé dā fea betā́mó bituraalu, dāné aya Kótóró Tale Yesu Kerisotamoné yó tare ala tuā́mó betere Tesalonaika Keriso so whīpaae dapó.

<sup>2</sup>Dāné Aya Kótóró Tale Yesu Kerisotamo tuā́mó kaaróló wou betere haḷe hamokoróló tao sere ala wisiró, hosaa muni deyóló mo dua betere alatamo diā tuā́mó muó tawó́póló yae.

### Talené eratere alamó Kótópaae mo kée yóló moma dere fo

<sup>3</sup>Norape-ó, dāné diā́mó tuē muturaalu Kótópaae betere dokó fea mo kée du betere fota, mo donopó. Ti noatepae, diaaḷ kisipa tiki tiróló betere alaró diā́sisi yaala sókó fóló hekesené sukutere alatamo mo ti fakeraté fu betereiteinépó. <sup>4</sup>Térapa, diā tuā́paae kae kae susupui alaró seḷi alarapetamo erótu betepatei, diā hýyóló dekani, Kótóné ala haḷe eró taru kisipa tiki tiraté fu betere ala kilitu, dā Kótóné Keriso fake so whī betó mole tuā́mó kuturaalu, diaaḷ du betere ala atimapaee yó melóló dukirótu betera\_pó.

<sup>5</sup>Diā tuā́mó ai erótu betere ala Kótóné taleyóló dowi alamókélé, wisi alamókélé, kwia materetei mo donorapóló kisipa mutapó. Atéró, taleralemó diā Kótóné ama tēteróló kaae tare aḷmó mo sūmó betenére so whīpóló kisipa muaalopó. Ti Kótóné ama tēteróló kaae tare aḷmó betaaireteimó diā doasi seḷi ala su betera\_pó. <sup>6</sup>Kótó aḷa, fo tokó́tamo yóló taletere ala haḷsókókélé feni, mo donotóróti taleyóló dupu mótu betere Talepó. Mepaae whīrapené diāpaae me seḷi ala eratepa, ti diāpaae ai eratere ala kaae, Kótóné amamo atimapaekélé tokó melaalopó. <sup>7</sup>Téyaalotei, diāpaae mió ai erótu betere seḷi ala siré fu betaḷsóró, Kótóné seséyóló feléi ala eraalopó. Dāpaaekélé ai kaae alatóróti eraalopó. Ti ai alata, Tale Yesu hepen be taaróló dorowouraalu, haḷe duku betere simiró ama doakale fotokó bole *ensel*-rapetamo haḷeamó dorowale sukamó so whī feané kelaalo ai ape. <sup>8</sup>Kótó aḷ mo betera\_póló tuē muni, dā tēteróló kaae tare Tale Yesuné mió wosetere fo wisi wosóló sya fóló erénitere so whīta, ti Kótóné dowi dupu melaalo ai ape. <sup>9</sup>Atétere so whīné saaitere duputa, kemekélé ini mo sótóró tawaaire dupu suraalu,

mo ti doraalo ai ape. Ti ai so whiṭa, Tale betere felekemó bitu, ama ere deḡ wisinaale tuḡmó bole fotokḡ doasi kelaḡsóró, atima kae beterḡpóló hḡkó faraaloḡ. <sup>10</sup>Ti ai alata, metéli yaaloé? Aḡ waaire be deḡmótóró yaaloḡ. Ai be deḡmó ama kae beteró betere so whiṭ tuḡmó ama ere ala wisinaale haḡkearaaloḡ. Téturaalu, aḡpaae kisipa tiki tiraté wou betale so whiṭné Tale kilitu, aḡ dukiróló sira yaalo ai ape. Daḡné diḡpaae yó male bete mole fo wosóló, tuḡ tiraté waletiné diḡkélé ai so whiṭamo touyóló betaaloḡ.

<sup>11</sup>Ai alarape mo yaaloḡóló kisipa mutu, diḡ Kótóné aḡ beterepaae ape ere so whiṭ sṭóró beterḡpóló, betere dokḡ daḡné moma yó tarapó. Téturaalu, diaaḡ tuḡ tiki tiró betere betené kaarale mo du betere alaró, yaai kisipa mole ala wisitamo Kótóné ama fotokḡné diḡ sṭuratepa, diḡné mo erḡpóló momarótu beterapó. <sup>12</sup>I du betere momata, daḡ tḡteróló kaae tare Kótóró Tale Yesu Kerisotamoné hamokoróló tao sere ala sya furaalu, ama diḡ tuḡmó erótu betere ala kilitu, daḡ kaae tare whiṭ Yesuné doi hale horóo, diḡkélé aḡ tuḡmó bitu, ama ere ala wisi haḡkearóo, yḡpóló dapó.

### Kótótamo bóe du betere whiṭ waaloḡóló ere fo

**2** <sup>1</sup>Norape-ó, daḡ tḡteróló kaae tare Tale Yesu Keriso wóló betepa, daḡ aḡ beteremó touróló betaaire alamó kisipa mutu i dapa, wosae. <sup>2</sup>Mepaae whiṭné diḡpaae duraalu, “Pol sépiné aḡemó Tale waaire be deḡ take ai wale ape,” dere fo wosóló mo dere nisiyóló tuḡ tiki tiraḡse. Atei kaae fo daḡné aḡemókélé ó mo kḡlónékélé inipó. Aita, Kótóné ama kḡló whiṭpóló kapala dilikitere whiṭrapené dere fopa, whaaliala yóló, diri furu furu yaḡse. <sup>3</sup>Mepaae whiṭné kae kae dere alaró kapala dilikḡló dere fotamo wosóló mo dapóló sya faḡse. Ti noatepae, atéyaaire be deḡ waai teópatei, i haemó betó mole so whiṭné Tale aḡmó beteretei hḡróló, bóe dele ala du betaaloḡ. Kótóné ama yóló muló betere fo aḡmó bitini, tikitu betere whiṭa, mió kinóló beteretei, take mo haḡeamó betepa kelaaloḡ. Atétere whiṭ doraai tukóló muló betere alata, mo haḡsókó feni, motóróti eraalo ai ape. <sup>4</sup>Ai whiṭné, i haemó betó mole so whiṭné Kótó-ó yóló momatu betere alatamo bóe dóló, ama doitei sóró horaaloḡ. Téturaalu, aḡ Kótóné momatere bemó amatei aḡ sóró beteróló duraalu, ḡta Kótótóró hiṭipó yaaloḡ.

<sup>5</sup>Eḡ diḡtamo betḡmó bituraalu, i alarape eraalo ai ape yóló du betale fo diaaḡ kisipanié? <sup>6</sup>Ti ai kale whiṭ so whiṭ feané keletómó sókó waḡsóró, mené aḡ sesétu betereteita, diaaḡ ai tuḡere ape. Ti atétu beteretei haḡle mei, take ama tukóló muló betere be deḡmótóróti haḡkearatepa kolḡpóló du beterapó. <sup>7</sup>Ti noatepae, kale yóló muló betere fo tikitu betere fotokḡta, mió haḡle yó tarete haḡeamó ini, kinóló du beterapó. Até deté fu betepatei, aḡ waḡsóró mené sesétere ala yó tarapó. Ai sesétu betere sekḡta, take nalo mené aḡ tokḡ saaloḡ. Aḡ tokḡ saai teópa, ti ama ai sesétu betere alatóró haḡle yó tawaaloḡ. <sup>8</sup>Atétu betepa, Kótóné kale yóló muló

betere fo faletu betere seké hãkearóló sókó wapa, Tale Yesu wouraaalu kóló momunétei, dóló hepée taae falóo, ama tikimó yóló wale kokõi alané ą mo ti doróo yaalopó. <sup>9</sup>Téturaalu, kale yóló muló betere fo faletu betere seké wouraaalu, Satan-né du betere ala kaaetóróti yóló waalopó. Kapala dilikóló dere alamótei so whĩné mo dapóló kisipa tiróppóló, kae kae kelemei alarapekélé eróo, Kótónétei eratapóló kisipa muóppóló eratere alakélé eróo, so whĩ feané kolóló sira yaaitere alakélé eróo, yaalo ai ape. <sup>10</sup>Téturaalu, ai sekéné ama kae kae dowi alané, sukóló mo ti aluyaaire so whĩ, dilikóló kópaae faraalopó. Atéró aluyaaire dereteita, atima aluyaşóró tao saaire mo bete mole fo woseni hõraleteinépó. <sup>11</sup>Atétere betené atima kale kapala fotei mo nisiyóppóló, Kótóné doasi fotokõi dilikitere ala dotonaalopó. <sup>12</sup>Atétepa, dowi ala mo ekęle yóló duraalu, mo bete mole fo wosóló tuę tiki tirénire so whĩ fea só deraalopó.

### Talené ala tuąmó diriyóló betae yóló dere fo

<sup>13</sup>Tépatei, Talené ama hosaa mole norape-ó, betere dokõ fea đané diąmó kisipa muturaalu, Kótópaae mo kée du betere fota doni, mo wisirapóló kisipa mutapó. Ti noatepae, take kaae sale sukamótei dią Kótóné ama so whĩpóló sókó sóró kae beteró beterapó. Téturaalu, me dowi alatamo hoseké yaşóró kale Dęi Kepe Wisinétei, dią tao sóró kae beteróo, diaaę mo fo bete wosóló kisipa tiróo, du betereteiné Kótóné dią aluyaşóró tao su beterapó. <sup>14</sup>Dią ai ala tuąmó beteróppóló, mió i wosetu betere fo wisinétei ą beterepaae ape yalepó. Atéró yale fota, hãle mei, đą tęteróló kaae tare Tale Yesu Kerisoné ama doasi ere dę tuąmó beteróppóló yalepó. <sup>15</sup>Térapa norape-ó, tuę tiki diriyóló bituraalu, đané diąpaae yó male fo kólóné ó aşémó yaletei kisipa keteréni, mo wisiyóló wosóló tuęruraalu erótu betae.

<sup>16</sup>Đą tęteróló kaae tare Tale Yesu Kerisoró Aya Kótótamoné đapaae yaala sókó fu beterapó. Téturaalu, ama hamokoróló hãle tao sere alanétei, đą fomoné sukóló haepaae derepaşóró, tuę tiki diriraterere ala mo ti eró tawóo, take nalo waaire alimó wisi ala tuąmó betaalopóló kisipa mutu, hosaa muni deyóló hãiné sukóló beteróppóló eróo dere alata, Talené amatei eróppóló yae. <sup>17</sup>Ti ai seké tamoné dią ketekę bulóló fotokõratepa, wisi alaró wisi fotamo betere dokõ fea yó tanóppóló yae.

### Pol-sépi atimamó momarae yale fo

**3** <sup>1</sup>Norape-ó, yało kemeróturaalu dere fo diąpaae i dapa wosae. Đą diątamó bitu, Talené fo mo bete mulapóló, hãle betere so whĩné wosóló mo hapale fakeraté fu yale kaae, đą i betere bemókélé ai alatóró du beteróppóló, đapaae momarótu betae. <sup>2</sup>Téturaalu, dei tuę mulu dowi ala du betere whĩrapené đapaae me sekęi ala eraşóró momatu betae. Ti noatepae, mepaae so whĩ tuę tiki tiró bitinipó. <sup>3</sup>Tépatei, Talené ama du

betere wisi ala haꞤe yó taru, dowi ala erótu betere sekéne diꞤ doraꞤsóró, diꞤ ama seséyóló fotokꞤ bulaalopó. <sup>4</sup>DaꞤ Talepaae tuꞤ tiki tiró bitu, diꞤpaae erae dere fo diaꞤꞤ wosóló mió erótu betere kaae, nalokélé haꞤe deté fu betenérápóló kisipa mutapó. <sup>5</sup>DiaꞤꞤ hosaa ó kisipa kae alapaae muaꞤsóró, Kótóné ama yaala sókó fóló mole tuꞤmótóró muluraalu, Yesu Kerisopaae wou betale sekeꞤi ala ama beleté fu betale kaae, diaꞤꞤkélé ai alatóró deté fu betepa, Talenétei bete mole ala i ape yóló, yó mótu beterópóló yae.

### Dekayóló haꞤe betaꞤse yóló dere ma fo

<sup>6</sup>Norape-ó, Tale Yesu Kerisoné doimó dané diꞤpaae i ala yae yóló i mulatere ape. Dané diꞤpaae yó mótu betale fotamo, mepaae Keriso norapené wosóló sya fóló eréni, deka yóló haꞤe betó mole whiꞤrapetamo touyóló bitini, atima kae beterópóló diꞤ kae betae. <sup>7</sup>Ti noatepae, dané i du betere ala diaꞤꞤ kolóló sꞤróló du betepa, ti ai ala doni, donorápóló diaꞤꞤte i ai tuꞤre ape. Ti daꞤ diꞤꞤtamo betale sukamó deka yóló haꞤe bitu, mepaae whiꞤrapené Ꞥla haꞤe nukuani, dupuyóló nukua du betalepó. <sup>8</sup>Até yaletaita, dané naaitere Ꞥlamó diꞤ sekeꞤyaꞤsóró, dikitamokélé deꞤtamokélé, dané naaitere Ꞥlamó kisipa mutu depe tukó wei ala du betalepó. <sup>9</sup>Dané até dua yaletaita, diaꞤꞤ daꞤ taosóró matere Ꞥla nenépateti, dané dere ala diaꞤꞤ kolóló sya fópóló kisipa mutu yalepó. <sup>10</sup>Ti daꞤ diꞤꞤtamo betale sukamó, diꞤpaae i ala yae yóló, etei dirii ma fo yalepó. “Mepaae whiꞤtamo kutó dini, deka yóló haꞤe betepa, ti atétere whiꞤmó naaitere Ꞥlakó melaꞤse,” fo ai yale ape.

<sup>11</sup>DiꞤkó mepaae whiꞤrape kutó dini haꞤe bitutei, kutó ditu betere nisyópóló dakeró beteraꞤpó dere fo dané wosalepó. <sup>12</sup>Atei kaae so whiꞤpaae daꞤ Tale Yesu Keriso tuꞤmó bitu, i ala yae yóló sei fo i dere ape. HaꞤe hoꞤko betere ala taaróló, tamoyóló bitu, diaꞤꞤ Ꞥla nokole sꞤtóró kutókélé atéro diyae. <sup>13</sup>Térapa, mió diꞤ depe tukó wei kutó ditu betere norape-ó, diaꞤꞤ ai du betere ala wisi taaréni, ai alatóró yó tawae.

<sup>14</sup>Mepaae whiꞤ denétamo dané i aꞤemó ere fo sya fóló erénitepata, ti atétere whiꞤné noa alakó déro kelaasepóló mo wisiyóló kaae tawae. Ti noatepae, ama dere alamó aꞤtóró hale yópólópa, aꞤtamo betaꞤmó betere ala ó kotere alakélé ini, aꞤ ama kae beterópóló diꞤ kae betae. <sup>15</sup>Tétutei, aꞤpaae diaꞤꞤ bóe whiꞤpaae eratere ala kaae ini, diaꞤꞤ notóró beterópóló, atei ala ekesé yóló aꞤpaae dirii ma fotei yae.

### Mo kemerótu kꞤleó yale fo

<sup>16</sup>Téro yaꞤlo kemeróturaalu dere fo i ape. Betere dokꞤ fea diaꞤꞤ noa alakó yaaitepa, ti hosaa muni deyóló dua betere bete Talené diꞤpaae eróturaalu, Tale diꞤ featamo betaꞤmó betó tawópóló yae.

<sup>17</sup>Ita, YaꞤlo naasenétei aꞤꞤyóló diꞤpaae kꞤleó dere fota, eꞤ Pol-né dapó. YaꞤlo be hulua dokꞤ feapaae faletua dere aꞤꞤ diaꞤꞤ kilituraalu, ita Pol-né

naasené erapólo tué muópólo dapó. Itei kaae naase daapa kilitu, ętoró hįtipólo kisipa yae.

<sup>18</sup>Térapa, dąné Tale Yesu Kerisoné ama hąle hamokorólo tao sere ala wisinaale dią featamo mulópólo yae.